

錢塘縣志卷之二十一



錢塘縣知縣南樂魏源纂

人物 儒林

儒之名廣矣大矣 學猶為儒之一耳然而理學至重非如周程張朱諸君子不得入焉至曰儒林則概儒而名之其間人品不一錢塘敦行積學之士彬彬不乏往牒所載與夫近時所採皆卓犖可觀足以衛道維風者也志儒林

吳

錢塘縣誌

卷之二十一

人物 儒林

一

范平

字子安其先鍾侯馥避王莽適吳因家焉平所窮典墳淹貫百氏舉茂才歷臨淮太守有異政孫皓時謝病還家累名不起卒謚文貞賀循勒碑記其德行三子爽威泉並以文學知名泉子蔚爵關內侯家世好學有書七千餘卷遠近來讀者嘗百餘人給以衣食蔚子文才幼亦知名宋祀蔚於鄉賢祠

陳

全緩

字弘丘初受學於博士褚仲都篤志研玩得其精微梁太清初歷國子助教兼司議郎專講詩易入陳累遷給興王府咨議參軍

宋

盧頊

字叔敬自幼穎悟及長曉五經大義酷嗜周易卒年二十七嘗著五帝皇極志孺子問翼善書數十篇

錢象先

字資元進士高第呂夷簡薦為國子監直講

天章閣侍講知龍圖閣直學士出知蔡州象先長於經術侍邇英十餘年有所顧問必依經以對反復於論遂及當世之務帝禮遇甚渥故事講讀官分日送進時象先已得蔡帝猶諭之曰大夫行有日矣宜詩敵一篇徒知河南府陳州復兼侍講知審官院持心平恕旁通法家說條令多所詳定復知許潁陳三州以吏部侍郎致仕卒

關魯關注

大中祥符進士歷守池台二州為尚書郎年八十歸老陳襄為作鴻飛之詩謂其能以禮

致仕而老成之德不衰請養於朝天子不能用以皇祐四年卒八子皆學行修立以進士舉者六人景仁尤著景仁子注字子東登紹興五年進士嘗教授湖州與胡瑗之孫滌求瑗遺書得易解中庸義藏之學宮又錄瑗言行為一帙意在美風俗新人材仕至太學博士卒自號香巖居士有關於博士集二十餘卷

錢塘縣誌

卷之二十一

人物儒林

二

陸滋

字元象世家於杭曾祖超以功為錢氏衢州刺史滋通毛鄭二詩易春秋既冠舉於鄉以母病不行

後三年復在選察母有難別色亦不忍行陳堯佐時使兩浙與滋書強之行滋謝不受博極群書或引以答客問必章解句析不差一字問者退輒服謂終年讀書不如與陸先生一日語尤嗜風雅日哦木石間有以家事白者麾使去曰毋溷我皇祐四年詔錄先朝遺士縉紳逢合等百餘以狀白府請用滋應詔府上之朝得杭州文學嘉祐六年卒滋性寬厚嘗治居材已具隣有以侵其地告者滋笑曰吾忍以券白汝妄耶即命縮其材自就學至垂沒未嘗去書所著詩賦文論合二十卷

李綱

字國紀乾道間以上庠賢士寄居吳興之新市力學好古雖困窮操履益堅怡然自得不為外物異

端所搖奪撰聖賢事業圖籍說三先生西銘解厚德錄言行篇諸書

沈括

字存中博覽古今於書無所不通舉進士為揚州司理編校昭文館書籍累遷翰林學士神宗嘗欲

籍民車備敵括言古人所謂輕車者兵車也今民間
不可用遂罷括以文學著晉上熙寧奉元曆編脩
天下郡國圖所著有春秋機變溪筆談長
輿集行世有叔邁遼世所謂三沈者也

元

吾丘衍

字子行太末人從父游大學居錢塘性高潔博
通子史百家篆隸逼秦漢詩效李賀雖眇左目

跛右足而風度蘊藉言笑可喜每自比郭忠恕隱居
教授獨處一樓訪使徐琰造其門衍從樓上呼曰此
樓何可當貴人登即願明日走謝琰素重衍笑而去
竟亦不謝後以無妄被逮義不受辱赴水死謚貞白
先生所著楚史禱
祝晉文春秋行世

明

周倫

字叔昌右衛人穎敏博洽正統甲子舉鄉試歷嘉
定容城訓導終永寧教諭所至講讀無間寒暑至

錢塘縣誌

卷之二十一

人物儒林

三

老不倦教人曲盡其道事上以禮耻隨時容悅與人
言剖析是非不為依違未嘗枉己以干權勢為廣文
者三十年意泊如也喜赴人急難排斥
異端有剛方之節貪儒者聞風憚之

方可立

字兩游九敘從子選貢仕安慶別駕諸生有以
孝友博洽著者九敘愛之如已子為入耿介端

方刻苦操勵比歸敝衣冠徒步里中人莫
知為鄉達也精心經學所著述雜見別集

孫景時

字成叔杭之右衛人性耿介與越人汪應軫仁
和邵銳江暉錢塘吳鼎為友慕章文懿胡端敏

之為人師事陽明甘泉二先生正德丙子舉于鄉筮
仕長洲教諭遷攸縣令却餽贖謝常例雪貧民唐如
景吳伯先枉狀達豪右易滔發其奸贖論如法人多
稱之解官歸乃蒐輯典故與證以長老舊聞作武林文

獻錄杭州府
志未竟卒

原善

字思敬父荆獻博學端方從江文成先生游善幼
穎異從父游文成門文成曰此任道器也弱冠舉

進士三令嚴邑擢郎官督學滇粵士蒸蒸向風所至
並豆之仕至雲南左布政使疏止採金旨象諸弊政
當大計無片刻通政府時多其抗直事見世廟實錄
未六十予告歸講明理學郡中推為大師賦性端樸
步中規矩危坐終日無疾言遠色家範整肅庭屏悉
題古人言行遵行古禮尤好施濟貧待以舉火者甚
衆收掩道殮修治東新餘杭諸塘慈雲黃泥諸嶺壬
午民亂相戒勿犯其室纂修杭州府志十年而成書
于植槐太學生有父風孝友尚義父歿二十年私
居不釋衰經竟以遷葬哀毀卒所著有自警新篇
陸振奇 字言冲生有至性敦孝友工文章與里中鄒徵
士之惠馮祭酒夢補葛太常寅亮虞司勳淳熙
及雲棲僧祿次為莫逆交殫心經學講貫不輟寒暑
時擁臯比于環而請業嘗百十人論難義易精用
何了寬之學歷聘四方所至奪席於新安說經尤久
學者稱為庸成先生萬曆丙午舉于鄉著有易芥十
卷學庸心性解年三十六卒
時痛惜之孫彥龍善詩古文

錢塘縣誌

卷之二十一

人物儒林

四

國朝

沈蘭先

一名昉字甸華讀書好古有聲庠序及壯業諸
生精濂洛之學晝夜講習披帙游覽所著有宋
五字要言四先生輯畧又以經術諸儒紛然聚訟博
考異同著四書宗法七經評論嚴訂喪禮一以朱氏
為歸尤長於典故凡勝國末年遺事精覈其邪正曰
某君子某黨人最詳贍有體爾先為人簡樸獨行已
意嘗危冠敝衣步市中家屋空不為動一門友愛藹
然可親所交皆天下正人師事則山陰劉宗周同里
吳太冲易簣之夕門人問曰此時先生誠敬當無少
間答曰爾爾語畢而卒父之龍力行士也蘭先成就
亦由家
教云

陳廷會

字際叔好學貫穿經史性沉毅少許可與陸培
柴紹炳孫治相友善所為文沉博雄麗培死廷
會亦杜門不出人爭掃室而席杭守稽宗孟式廬詩
之欲延講學辭不赴一生畏慎矜惜名節不妄受人

惠年六十一所著有瞻雲集行世

子調元篤學善屬文能世其業

未紹炳 字虎臣生而穎敏博極羣書與陳廷會倡為典

屬其坐人壯年謝去舉子一

授生徒晚年為文

之又憫聲韻滄

人稿兄子世垣字

卒無

子

鄭世迎

字寅賓事兩親及兄世逢以孝友稱好著述

有尊聞堂集行世以明經除新昌學諭不就

卷之三十一

人物儒林

五

增縣誌